

Odluka o izmjenama i dopunama teksta Aneksa 1. konačne Odluke visokog predstavnika o integraciji općine Žepče koja je objavljena u “Službenim novinama FBiH”, br. 56/01

Koristeći se ovlaštenjima koja su mi data članom V Aneksa 10 (Sporazum o civilnoj implementaciji Mirovnog ugovora) Općeg okvirnog sporazuma za mir u Bosni i Hercegovini, prema kojem je Visoki predstavnik konačni autoritet u zemlji u pogledu tumačenja pomenutog Sporazuma o civilnoj implementaciji Mirovnog ugovora; i posebno uzevši u obzir član II. 1. (d) gore navedenog Sporazuma, prema kojem Visoki predstavnik “pruža pomoć, kada to ocijeni neophodnim, u iznalaženju rješenja za sve probleme koji se pojave u vezi sa civilnom implementacijom”;

Pozivajući se na stav XI.2 Zaključaka Vijeća za implementaciju mira koje se sastalo u Bonu 9. i 10. decembra 1997. godine, u kojem je Vijeće za implementaciju mira pozdravilo namjeru Visokog predstavnika da iskoristi svoj konačni autoritet u zemlji u pogledu tumačenja Sporazuma o civilnoj implementaciji Mirovnog ugovora kako bi pomogao u iznalaženju rješenja za probleme, kako je prethodno rečeno, “donošenjem obavezujućih odluka, kada to bude smatrao neophodnim”, u vezi sa određenim pitanjima, uključujući (u skladu sa tačkom (c) ovog stava) i “mjere u svrhu obezbjeđenja implementacije Mirovnog sporazuma na čitavoj teritoriji Bosne i Hercegovine i njenih entiteta”;

Imajući na umu da moja konačna Odluka o integraciji općine Žepče, objavljena u “Službenim novinama Federacije Bosne i Hercegovine”,

br. 56/01 od 21. decembra 2001. godine, sadrži netačnu listu naseljenih mjesta;

Ovim donosim slijedeću;

ODLUKU

O IZMJENAMA I DOPUNAMA TEKSTA ANEKSA 1. KONAČNE ODLUKE VISOKOG PREDSTAVNIKA O INTERGRACIJI OPĆINE ŽEPČE KOJA JE OBJAVLJENA U "SLUŽBENIM NOVINAMA FEDERACIJE BOSNE I HERCEGOVINE", BR. 56/01

Član 2. Zakona o izmjeni granica općine Žepče zamjenjuje se novim članom 2. koji glasi:

"Teritorija općine Žepče koja se do sada sastojala od naseljenih mjesta – Begov Han, Bistrica, Bljuva, Goliješnica, Golubinja, Gornja Golubinja, Lupoglav, Ljeskovica, Ljubna, Mračaj, Orahovica, Ozimica, Papratnica, Ravne Donje, Ravne Gornje, Selište, Tatarbudžak, Varošište, Vašarište, Vitlaci, Želeće, Željezno Polje, Žepče – od sada će se sastojati od navedenih naseljenih mjesta i pored toga naseljenih mjesta utvrđenih u članu 3., stav 1. i članu 4., stav 1. ovog zakona."

Ova odluka stupa na snagu odmah i bit će objavljena odmah u "Službenim novinama Federacije Bosne i Hercegovine".

Sarajevo, 03. aprila 2002. godine

Wolfgang Petritsch,

Visoki predstavnik